

Meizdij Rog Guek Comzyawj Lozcwngz



11 nyied 15 hauh, hozdung “2025 nienz meizdij rog guek youz Hozciz” byaij haeuj Lozcwngz Mulaujcz Swciyen. Mbat hozdung neix youz Hozciz Si caeuq Cungguek Sinhvwnz Se Gvangjsih Fwnhse lienzhab guh, iucingj gicej 21 aen meizdij rog guek daj Yindunizsihya、Daigoz、Laujvoh、Audaliya daengj guekgya (digi) daeuj haenx doxcomz Lozcwngz, hainduj ciengz lijyouz caendang daejniemh Mulauj vwnzva ndeu.

Gyoengqde aeu gingqdaeuz geiqloeg gingjsaek gyaundeiz bya raemx, yungh faenzcieng sij gij yawjraen gij dingqnyi gij gamjsouh gyoengqde, haeujlaeg damqcaz gij minzcuz fungcingz daegbied、canjnieb lajmbanj hwngfat hwnghoengh Lozcwngz, caeuq gij saedguh sengdoengh lijyouz hwngfat doidoengh gak minzcuz “sam gyau”.

(Mungz Yungzboh/蒙雄颇
Se Meijsenh/谢美鲜)

◀ Gyoengq gicej daejniemh feihyiz raedsa. Mungz Yungzboh ingj

Ginhsiu: Vunzlai Hag Feihyiz Cienzciep Coi Cauhmoq

11 nyied 11 hauh, youq Ginhsiu Yauzcuz Swciyen Lozyangh Yangh Mbanjlozyin, bouxcienzciep guekgya gaep feihyiz gyongnamhhenj Banz Ginhhaij son gyoengq lauxsae yienh youwzyenz dinfwngz. Seizneix, Ginhsiu feihyiz cingq aeu hingzsik cauhamoq yungz haeuj ndwenngoenz vunzlai, doenggvaq giekdeih cienzciep feihyiz、ranz gunghcoz feihyiz、dangz goeng'ik feihyiz daengj hailaeb ciendaez beizyin, boux hag yied bi yied lai. Seizneix, sing gyongnamhhenj youq Mbanjyauz、godangz caeuq segih hoplangh, bienqbaenz gij saedguh sengdoengh vunzlai cienzciep vwnzva.

(Gauh Yuzginh/高如金)



▲ Bouxcienzciep feihyiz son gyoengq lauxsae diuq foux gyongnamhhenj.



▲ Vunzlai youq vienhciengz cazyawj siusik aeu vunz. Luz Dezsanh ingj

Ningzmingz Yen Lingzgoeng Hawciengz Biengjbaiz Yinhu

11 nyied 11 hauh, Ningzmingz Yen Yinzse Giz guh yizsiz biengjbaiz Ningzmingz Yen Lingzgoeng Hawciengz. Aen lingzgoeng hawciengz neix mboujdan bang gyoengqvunz ra hong lingzgoeng laeb diuz giuz couhnieb gveihfan ndeu, hix hawj gij danhvei yungh vunz daezhawj aen bingzdaiz yungh vunz fuengbienh ndeu. Ngoenzhaenx, youq lingzgoeng hawciengz doengzbouh hai le ciengz hoihciuvunz ndeu, 18 aen danhvei baij daiz aeu vunz, supyinx haujlai vunz daeuj cazcam.

(Luz Dezsanh/陆铁山 Nungz Gingifungh/农景峰)

Sanhgyangh: Makcazyouz Baenzsou Homfwdfwd

11 nyied 17 hauh, Sanhgyangh Duncuz Swciyen Doujgyangh Cin Mbanjliucunh ndaw diegdangz vunzlai nyaengqdikdik, vunzmbanj cingq swngz dienheiq ndei genj gij makcazyouz ngamq mbit haenx, cazyouz dangguh aen canjyez saeudaemx swnghdai fouqminz Doujgyangh Cin, cazyouz mboujdan ndaej guh “youzmakgyamj baihdong”, engq doenggvaq aen vunqsik “gunghsw + hozcozse + nungzhoh”, bienqbaenz aen “yinzhangz saekloeg” coenghregz ginzcung Mbanjdung demsou.

(Cinz Dingzveih/陈霆威)



▲ Vunzmbanj cingq caemhdoih mbit genj makcazyouz.